

Sakspapir

Saksbehandler	Arkiv	ArkivsakID
Lin Tove Thomassen	FE-014, FE-013	22/227

Saksnr	Utvalg	Type	Dato
005/2023	Valstyret	PS	21.03.2023

Gjennomføring av kommunestyre- og fylkestingsvalet i Modalen kommune

Forslag til vedtak:

- Utleggingsmanntalet vert lagt ut så snart det er klart etter 30. juni og fram til og med på valdagen på følgjande stader:
 - Flodmaal
 - Modalen folkebibliotek
- Frist for partia som stiller liste til valet til å bestille manntal vert sett til 1. august 2023.
- Valstyret vedtek å telje opp sentralt samla.

Saksopplysningar:

Valstyret er ansvarleg for valgjennomføringa i Modalen kommune og må mellom anna gjere vedtak om fristar og korleis stemmesetlane skal teljast.

Manntal

Opplysingar frå folkeregisteret pr 30. juni i valåret vert lagt til grunn for manntalet. Bustadadressa på denne datoen avgjer kva kommune du har stemmerett i. Melder du flytting etter denne dato, har du stemmerett i kommunen du flyttar frå. Etter valova § 2-6 (1) skal valstyret leggja manntalet ut til offentleg ettersyn så snart det let seg gjera. Vallova seier ikkje noko om kor mantalet skal leggjast ut. Det blir sendt ut valkort til alle røysteføre, ein ser difor ikkje behov for å leggja manntalet ut på fleire stader enn på kundetorget og folkebiblioteket. Manntallet skal ligge ute til og med valdagen.

Valstyret skal kunngjere tid og stad for utlegginga og opplyse om høvet til og framgangsmåten for å krevje feil retta, jf. vallova § 2-6.

Valforskrifta § 3 fastset at alle som stiller liste ved valet, har rett til eitt gratis eksemplar av manntalet. Det er likevel eit krav at dei bestiller dette innan fristen som valstyret set.

Kommunedirektøren tilrår at fristen vert sett til 1. august

Oppteljingsmåte

Prinsipp for oppteljing av røystesetlar er heimla i vallova § 10-4. I punkt (5) går det fram at røystesetlane skal teljast opp i to omganger, ein førebels og ei endeleg oppteljing. Den førebelse oppteljinga skal skje ved manuell teljing, jfr. valforskrifta § 37a. Det skal også skiljast mellom oppteljing av røystesetlar til kommunestyrevalet og til fylkestingsvalet.

Det kan veljast mellom 3 ulike oppteljingsmåtar:

1. Sentralt - samla: Røystestyra tel det totale antal motteke røyster i krinsen men partifordeler ikkje. Partifordeling av røystesetlar vert gjort sentralt i kommunen. Dei to krinsane vert slått saman og talt samla
2. Sentralt - fordelt på krets: Røystestyra tel det totale antal motteke røyster i krinsen men partifordeler ikkje. Partifordeling av røystesetlar vert gjort sentralt i kommunen, men kvar krins vert talt separat
3. Lokalt - fordelt på krets: Førebels oppteljing med partifordeling vert gjort av røystestyra i kvar krins (i vallokala)

Vanlegvis tel Modalen kommune sine røyster sentralt samla. Under stortingsvalet i 2021 var det 73 manntalsførte som røysta på Mo valdagen, medan 57 røysta på Helland. Tal røysteføre i krinsane er høvesvis 185 og 104.

Vallova opnar for at ein kan telje på krinsnivå dersom det er fleire enn 100 namn i manntalet i krinsen. Det vil seie at Modalen kan velje å vise resultat på krinsnivå. Likevel er forholda såpass små og gjennomsliktig at ein tilrår å halde på at partifordelinga først vert talt når røystesetlane er levert kommunehuset for samla oppteljing.

Valstyret - 005/2023

VS - behandling:

Forslag om utlegging av manntal på Coop Mo og Coop Øvre Helland vart teke inn i framlegg til vedtak Samrøystes vedteke

VS - vedtak:

- Utleggingsmanntalet vert lagt ut så snart det er klart etter 30. juni og fram til og med på valdagen på følgjande stader:
 - Flodmaal
 - Modalen folkebibliotek
- Coop Mo
- Coop Øvre Helland

- Frist for partia som stiller liste til valet til å bestille manntal vert sett til 1. august 2023.
- Valstyret vedtek å telje opp sentralt samla.